



Pou Piblikasyon Imedya: 18/10/2023

GOUVÈNÈ KATHY HOCHUL

**GOUVÈNÈ HOCHUL SELEBRE INOGIRASYON NOUVO SANT FÒMASYON
MENDÈV SOU DIRABILITE PUSH BUFFALO POU PREPARE NOUYOKÈ LWÈS YO
POU TRAVAY VÈT DEMEN YO**

Premye Sant Fòmasyon Mendèv sou Dirabilite nan Lwès New York la pral elaji fòmasyon sou enèji pwòp pou ede travayè yo satisfè bezwen endistri a

Baze sou efò Gouvènè a pou prepare mendèv New York la pou ekonomi vèt ak lòt sektè 21yèm syèk yo

Gade reprezantasyon grafik sant SWTC a [isit la](#)

Gouvènè Kathy Hochul te anonse jodi a inogirasyon Sant Fòmasyon Mendèv sou Dirabilite (Sustainability Workforce Training Center, SWTC) sou 2,500 pye kare People United for Sustainable Housing nan West Buffalo. Apati [Lwa sou Lidèchip Klimatik ak Pwoteksyon Kominotè](#) (Climate Leadership and Community Protection Act, CLCPA), ajanda sou klima New York la, kreyasyon premye etablisman fòmasyon pou travay vèt nan rejon an pral ranfòse misyon PUSH Buffalo pou ede satisfè estanda klima ak enèji pandan l ap ogmante tou aksè nan fòmasyon travay ki gen rapò ak enèji pwòp ak opòtinite pou manm minorite ak kominote defavorize yo. PUSH espere ke yon fwa SWTC a ouvri, kantite etidyan ki gradye nan pwogram fòmasyon mendèv vèt li yo pral omwen double, soti nan yon total anyèl aktyèl 48 moun pou omwen 96 moun. Reprezantasyon grafik nouvo etablisman an disponib [isit la](#).

"Pandan lwès New York ap akeyi biznis dirab 21yèm syèk yo nan rejon an, nouvo sant fòmasyon PUSH Buffalo a pral ede asire travayè nan zòn nan pare pou satisfè bezwen yo epi okipe travay vèt demen yo", **Gouvènè Hochul te deklare.** "Konstwi yon ekonomi modèn vle di bati yon mendèv modèn, epi administrasyon mwen an angaje pou l investi nan enstitisyon tankou PUSH Buffalo ki pataje misyon nou pou ranfòse rezèv talan nou an, debloke opòtinite pou yon pakèt Nouyòkè, epi kreye yon avni ekonomik ki pi briyan pou eta nou an".

Direktè Egzekitif PUSH Buffalo ak Vis Prezidan BNSC, Dawn-Wells Clyburn, te deklare, "Inogirasyon jodi a pou Sant Fòmasyon Mendèv sou Dirabilite a reprezante yon nouvo jou pou kominote nou renmen anpil la. Sant fòmasyon an ofri opòtinite san parèy pou kominote nwa, endijèn, moun koulè, ak defavorize yo – pou yo vin lidè nan

bati yon kominate vèt avanse ak rezistan ak klima, epi pou yo touche salè konpetitif pou travay kalifye yo. Popilasyon kominate nou yo istorikman te eskli nan travay teknoloji vèt ak fòmasyon pou travay vèt. Sant fòmasyon an mete nou pi pre yon avni ki pi jis, ekitab ak dirab pou tout moun. Sa vrèman chanje jwèt la".

Bati sou de teren vid nan 169 Arkansas Street ak 298 Hampshire Street, pwojè 2.5 milyon dola a pral ofri yon melanj sal klas fleksib, biwo ak espas reyinyon. Biling lan fèt pou jenere otan enèji li itilize atravè yon sistèm solè fotofòltayik (PV) sou plas ak yon sistèm chofaj/refwadisman jewotèmik, ki pral sèvi tou kòm yon laboratwa aprantisaj pou sesyon fòmasyon sou enèji renouvlab. SWTC se pral nouvo kay Community Hiring Hall, ki te etabli an 2014 nan lokal aktyèl PUSH Buffalo.

Community Hiring Hall PUSH Buffalo a fòme ak plase travayè yo nan sektè enèji renouvlab la, epitou sèvi kòm anplwayè ki anrejistre epi li asime responsabilite pou rekritman, seleksyon, anbochaj, jesyon ak administrasyon mendèv. Community Hiring Hall la jwe yon wòl enpòtan nan fòmasyon moun ki abite Buffalo yo ki pa gen anpil lajan epi ki p ap travay, avèk yon anfaz sou kominate koulè ki majinalize yo. Yo koresponn estajyè yo ak kontraktè yo pou ede nan bati relasyon ki pral sipòte devlopman mendèv alontèm. Jouk jounen jodi a, konpayi atravè Lwès New York yo te anboche plis pase 224 ansyen estajyè Hiring Hall la.

Nouvo SWTC a pral elaji ak amelyore fòmasyon mendèv vèt Hiring Hall la, sa ki pèmèt fòmasyon pratik pou enstalasyon teknoloji chalè pwòp, solè ak lòt teknoloji enèji renouvlab, oswa amelyorasyon nan efikasite enèji ki ta ka adrese ak amelyore konsèvasyon enèji nan pifò pak lojman Buffalo.

Empire State Development te angaje plis pase 1.64 milyon dola nan pwojè a, ki gen ladan 1.2 milyon dola atravè yon sibvansyon Western New York Workforce Development Challenge atravè Buffalo Billion II ak 445,000 dola atravè yon sibvansyon Fon Kapital Konsèy Rejyonal. PUSH Buffalo te resevwa tou yon sibvansyon 137,817 dola nan men NYSERDA pou pwojè a.

Inogirasyon sant fòmasyon PUSH Buffalo a vini nan moman Lwès New York ap akeyi plizyè nouvo biznis enèji pwòp nan rejyon an. Nan mwa oktòb 2022, Gouvènè a te anonse yon akò avèk Electrovaya pou kreye premye izin li nan Etazini, yon etablisman fabrikasyon batri lityòm-yon, nan Vil Ellicott nan Konte Chautauqua, ki kreye 250 nouvo djòb. Nan mwa me, Gouvènè a te anonse yon akò avèk Cummins Inc. pou l investi 452 milyon dola nan etablisman Jamestown li a pou pwofite yon seri kalite gaz kabòn ki pi ba epi kreye 90 nouvo djòb. Gouvènè Hochul te anonse tou gayan yo nan nevyèm final 43North anyèl yo, konpetisyon jèn antrepriz 5 milyon dola Eta New York ki te fèt nan Buffalo, ki gen ladan Stepwise, yon biznis ki baze nan Cambridge, Massachusetts ki pral deplase ale Buffalo pou travay sou elektrifikasyon kay pandan l ap prepare rezo elektrik la pou lavni.

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Kòm premye etablisman fòmasyon sou djòb vèt Lwès New

York la, SWTC pral bati sou pwogram devlopman mendèv PUSH Buffalo ki etabli a nan sektè enèji renouvlab k ap grandi rapidman ak konstriksyon vèt. Konsantrasyon sant lan sou rezidan ki soti nan kominate majinalize yo pral ankouraje ak elaji aksè nan travay ak karyè dirab ki pral sipòte fanmi yo kounye a ak pou lavni".

Doreen M. Harris, Prezidan ak Direktè Egzekitif Jeneral, NYSERDA te deklare, "NYSERDA fyè pou I sipòte sant fòmasyon mendèv PUSH Buffalo ki enkòpore efikasite enèji enpòtan, elektrifikasyon ak amelyorasyon enèji renouvlab nan biling lan. Pwojè sa a demontre kijan efò devlopman ekonomik ak rezistans kominate a kapab konplete youn lòt pandan I ap kreye espas ki an sante ak konfòtab pou travayè yo nan Lwès New York pou prepare pou travay nan enèji pwòp nan ekonomi vèt eta a k ap grandi".

Senatè Eta Tim Kennedy te deklare, "Avèk premye etablisman fòmasyon sou djòb vèt reyon an, PUSH Buffalo ap pran yon mezi ki nesesè anpil pou devlope yon mendèv vèt epi etabli Lwès New York kòm yon lidè nan endistri enèji renouvlab ak rezistans ak klima, ki pral rann reyon an konpetitif pandan I ap atire konpayi vèt ak pwojè yo. Mwen bat bravo pou Gouvènè Hochul ak PUSH Buffalo pou sipò yo bay SWTC a".

Manm Asanble Jon D. Rivera te deklare, "Ouvèti nouvo Sant Fòmasyon Mendèv sou Dirabilite PUSH Buffalo a se yon lòt prèv angajman inebranlab New York anvè yon ekonomi ki pi vèt ak pi ekitab. Sant inik fòmasyon sou travay vèt sa a pral mete eta nou an nan direksyon pou atenn objektif anbisye pwoteksyon anviwònman li yo, pandan I ap envesti tou nan kominate majinalize yo ki plis anba menas efè negatif rechofman klimatik. Mwen vle remèsyé Gouvènè Hochul pou defans kontinyèl li pou yon New York ki pi vèt, ki pi dirab, epi mwen espere wè kijan nouvo SWTC a pral amelyore efikasite pwodiksyon enèji vil nou an".

Enfòmasyon sou PUSH Buffalo

Fonde an 2005, PUSH Buffalo se yon òganizasyon kominotè ki base sou manm nan West Buffalo. Misyon PUSH Buffalo se mobilize rezidan yo pou kreye katye solid ak bon jan kalite lojman abòdab; elaji opòtinite anbochaj lokal yo; epi pou fè avanse jistis rasyal, ekonomik ak anviwònmantal nan Buffalo. Manm PUSH yo se òganizatè kominotè ki fè lojman abòdab vin yon reyalite nan Buffalo. Manm li yo travay ak patnè ak moun ki bay finansman yo pou kreye yon vil ki an sante, jis ak solid ki gen ladann kontwòl kominotè sou resous yo, travay salè pou viv ak aksè a bon jan kalite edikasyon, swen sante ak transpò.

###

ANILE ENSKRIPSYON OU